



Tiranë më

Nr.

RELACION
PËR
PROJEKVENDIMIN
PËR
CAKTIMIN E NUMRIT TË MANDATEVE PËR ÇDO ZONË ZGJEDHORE PËR
ZGJEDHJET PËR KUVEND TË VITIT 2025

I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI

Në mbështetje të nenit 20, pika 2, shkronja “b”, të ligjit nr.10019, date 29.12.2008, “Kodi Zgjedhor i Republikës së Shqipërisë”, të ndryshuar, përcaktohet kompetenca e Komisionit Rregullator për të shqyrtuar dhe miratuar numrin e mandateve për çdo zonë zgjedhore për zgjedhjet për Kuvend.

Bazuar në nenin 74, pika 1, të Kodit Zgjedhor, zona zgjedhore për Kuvendin përputhet me territorin e qarkut që shërben si zonë zgjedhore.

Në nenin 75 të Kodit Zgjedhor parashikohen kriteret dhe procedura për caktimin e numrit të mandateve. Çdo mandat përfaqëson një numër afërsisht të njëjtë shtetasish. Numri total i shtetasve, sipas Regjistrit Kombëtar të Gjendjes Civile, pjesëtohet me numrin 140 të mandateve të Kuvendit, duke përcaktuar numrin mesatar të shtetasve që i takojnë çdo mandati të Kuvendit. Numri i mandateve për çdo zonë zgjedhore përcaktohet duke pjesëtuar numrin e shtetasve me vendbanim në zonën zgjedhore, me numrin mesatar, të përfutur sipas pikës 2 të këtij neni. Çdo zone zgjedhore i caktohet fillimisht një numër mandatesh i barabartë me numrin e plotë të përfutur nga pjesëtimi, sipas pikës 3 të këtij neni. Në rast se në përfundim të veprimit të kryer, sipas pikës 4 të këtij neni, një apo më shumë mandate mbeten pa u shpërndarë, ato u shpërndahen zonave mbi bazën e presjes dhjetore më të madhe të përfutur nga pjesëtimi, sipas pikës 3 të këtij neni. Shpërndarja e mandateve të mbetura kryhet në rend zbritës, duke filluar nga zona me presjen dhjetore më të madhe. Në rast se edhe pas zbatimit të pikës 5 të këtij neni presja dhjetore e dy apo më shumë zonave është e njëjtë, mandati i fundit i caktohet asaj zone që, pas përlllogaritjes sipas pikës 3 të këtij neni, ka numrin më të madh të mbetur të shtetasve që nuk kanë prodhuar mandat të plotë.

Neni 76, pika 1, i ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, përcakton se si rregull 4 muaj para datës së fillimit të periudhës zgjedhore, që i paraprin fundit të mandatit të Kuvendit, Drejtoria e Përgjithshme e Gjendjes Civile me kërkesë të KQZ-së, dërgon numrin e përgjithshëm të shtetasve si dhe numrin e shtetasve për çdo qark, bazuar në Regjistrin Kombëtar të Gjendjes Civile”. Ndërsa pika 2 i të njëjtit nen përcakton se përlllogaritja dhe miratimi i numrit të mandateve për çdo zonë zgjedhore kryhet brenda 15 ditëve nga marrja e të dhënave sipas pikës 1 të këtij neni.

Duke vlerësuar nga pikëpamja e objektit që trajton ky projektvendim, vlerësohet nga ana e ligjshmërisë se është në kompetencë të Komisionit Rregullator për ta shqyrtuar.

II. PËRMBLEDHJE SHPJEGUESE E PËRMBAJTJES SË PROJEKVENDIMIT

Në zbatim të dispozitave të sipërcituara është hartuar projektvendimi “Për caktimin e numrit të mandateve për çdo zonë zgjedhore për zgjedhjet për Kuvend të vitit 2025”.

Referuar nenit 76, pika 1, të Kodit Zgjedhor, Komisioni Qendror i Zgjedhjeve me shkresën nr. 3253 Prot., datë 15.11.2024, i ka kërkuar informacion Drejtorisë së Përgjithshme të Gjendjes Civile për numrin e përgjithshëm të shtetasve dhe numrin e shtetasve për çdo qark, sipas Regjistrit Kombëtar të Gjendjes Civile. Drejtoria e Përgjithshme e Gjendjes Civile nëpërmjet emailit të datës 04.11.2024, i ka dërguar KQZ-së të dhënat e kërkuara, duke përcaktuar se numri i shtetasve është i datës 1 dhjetor 2024.

Nisur nga sa më sipër, të dhënat e marra nga Ministria e Brendshme respektojnë plotësisht kërkesat dhe janë marrë brenda afatit të përcaktuar në Kodin Zgjedhor. Këto të dhëna i lejojnë KQZ-së të zbatojë detyrimet ligjore që përcakton “Pjesa V” e Kodit Zgjedhor.

Referuar kriterëve dhe procedurës për caktimin e numrit të mandateve të përcaktuara në nenin 75, të Kodit Zgjedhor si dhe të dhënave të dërguara nga Drejtoria e Përgjithshme e Gjendjes Civile është llogaritur numri i mandateve për çdo zonë zgjedhore si më poshtë:

Numri total i shtetasve 4627824 është pjesëtuar me numrin 140 të mandateve të Kuvendit, ku është përcaktuar numri 33056 si numri mesatar i shtetasve që i takojnë çdo mandati [numri real i dalë nga pjesëtimi është 33055,88571]. Numri i shtetasve për çdo zonë zgjedhore është pjesëtuar me numrin mesatar të shtetasve që i takojnë çdo mandati. Çdo zone zgjedhore i është caktuar një numër mandatesh i barabartë me numrin e plotë të përfutur nga ky pjesëtim.

Pas këtij veprimi mbetën pa u shpërndarë edhe 7 mandate për të plotësuar numrin 140.

Në bazë të nenit 75, pika 5, të Kodit Zgjedhor këto mandate u janë shpërndarë zonave zgjedhore (qarqeve) që kanë mbetjen më të madhe pas presjes zgjedhore, të numrit të përfutur nga pjesëtimi i mësipërm. Veprimet e kryera janë të pasqyruara si më poshtë vijon:

Nr.	Qarku/ zona zgjedhore	Shtetas 2024	Shtetas/ nr mesatar	Mandate nga e plota	Mbetja		Mandate nga mbetja	Mandate gjithsej
					nr	shtetas		
1	Berat	226.475	6,851	6	0,851	28.140	1	7
2	Dibër	170.488	5,158	5	0,158	5.209		5
3	Durrës	478.345	14,471	14	0,471	15.563		14
4	Elbasan	451.879	13,670	13	0,670	22.152	1	14
5	Fier	512.288	15,498	15	0,498	16.450	1	16
6	Gjirokastër	143.491	4,341	4	0,341	11.267		4
7	Korçë	345.893	10,464	10	0,464	15.334		10
8	Kukës	112.599	3,406	3	0,406	13.431		3
9	Lezhë	228.416	6,910	6	0,910	30.081	1	7
10	Shkodër	348.074	10,530	10	0,530	17.515	1	11
11	Tiranë	1.219.520	36,893	36	0,893	29.508	1	37
12	Vlorë	390.356	11,809	11	0,809	26.741	1	12
	Totali	4627824	140,000	133			7	140
	Nr mesatar	33056						

Për sa më lart në këtë relacion, Komisioneri Shtetëror i Zgjedhjeve, brenda kompetencave të veta, dhe në respektim të detyrimeve e afateve ligjore të përcaktuara në ligjin nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, i propozon për shqyrtim dhe miratim Komisionit Rregullator projektvendimin “Për caktimin e numrit të mandateve për çdo zonë zgjedhore për zgjedhjet për Kuvend të vitit 2025”.

Daniela ALIMEMETI	- Drejtorja e Logjistikës dhe Digjitalizimit
Pavlina DOÇAJ	- Drejtorja e Ligjshmërisë
Majlinda ÇELMETA	- Sekretar i Përgjithshëm (në mungesë dhe me urdhër)



REPUBLIKA E SHQIPËRISË
KOMISIONI QENDROR I ZGJEDHJEVE
KOMISIONI RREGULLATOR

Data:

Nr:

Ora: :

PROJEKTVENDIM

PËR

**CAKTIMIN E NUMRIT TË MANDATEVE PËR ÇDO ZONË ZGJEDHORE,
PËR ZGJEDHJET PËR KUVEND TË VITIT 2025**

Në mbështetje të nenit 20, pikat 2 shkronja “b”, e 3, nenit 74, pika 1, neni 75 dhe neni 76, të ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, me propozimin e Komisionerit Shtetëror të Zgjedhjeve, Komisioni Rregullator

VENDOSI:

1. Caktimin e numrit të mandateve për çdo zonë zgjedhore për zgjedhjet për Kuvend të vitit 2025, sipas lidhjes nr. 1, që i bashkëlidhet këtij vendimi.
2. Ky vendim hyn në fuqi menjëherë dhe publikohet në faqen zyrtare të internetit të Komisionit Qendror të Zgjedhjeve.
3. Kundër këtij vendimi mund të bëhet ankim në Kolegjin Zgjedhor Gjyqësor pranë Gjykatës Administrative të Apelit Tiranë, brenda 30 (tridhjetë) ditëve nga shpallja e tij.

Iirjana NANO-

Kryetar

Arens ÇELA-

Anëtar

Dritan ÇAKA-

Anëtar

Helga VUKAJ-

Anëtar

Muharrem ÇAKAJ-

Anëtar

Lidhja 1

Shperndarja e mandateve ne qarqe sipas formule dhënë në nenin 75 te Kodit Zgjedhor
(popullsia e dates 1 dhjetor 2024)

Nr.	Qarku/ zona zgjedhore	Shtetas 2020	Shtetas/ nr mesatar	Mandate nga e plota	Mbetja		Mandate nga mbetja	Mandate gjithsej
					nr	shtetas		
1	Berat	226.475	6,851	6	0,851	28.140	1	7
2	Diber	170.488	5,158	5	0,158	5.209		5
3	Durres	478.345	14,471	14	0,471	15.563		14
4	Elbasan	451.879	13,670	13	0,670	22.152	1	14
5	Fier	512.288	15,498	15	0,498	16.450	1	16
6	Gjirokaster	143.491	4,341	4	0,341	11.267		4
7	Korce	345.893	10,464	10	0,464	15.334		10
8	Kukes	112.599	3,406	3	0,406	13.431		3
9	Lezhe	228.416	6,910	6	0,910	30.081	1	7
10	Shkoder	348.074	10,530	10	0,530	17.515	1	11
11	Tirane	1.219.520	36,893	36	0,893	29.508	1	37
12	Vlore	390.356	11,809	11	0,809	26.741	1	12
	Totali	4627824	140,000	133			7	140
	Nr mesatar	33056						